



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԼՈՌՈՒ ՄԱՐԶԻ ԿԱԹՆԱԶՈՒՐ ՀԱՄԱՅՆՔԻ ՂԵԿԱՎԱՐ

Հայաստանի Հանրապետության Լոռու մարզի Կաթնաջուր համայնք, ՀՀ Լոռու մարզ, գ. Կաթնաջուր, 13 փող. 1, Հեռ. (099) 000302 , katnajur.lori@mta.gov.am

N 53
19 Մայիս 2017թ.

ՀՀ ԼՈՌՈՒ ՄԱՐԶՊԵՏԱՐԱՆ
ՄԱՐԶՊԵՏ
ԱՐԹՈՒՐ ՆԱԼԲԱՆԴՅԱՆԻՆ

Ի ՇՕ Օ»½ »Ս Կ»նի՜ թ թՅձձՍ ԾԾ Էձձձ ՍՅ ղ½Շ Ի՜ ՅՅՅ Շձձ ղՅ ՍՅ ՍԿՍՇ
Օ»ի՜ Յ ղՅ 2017Ա.-Շ ՍՅ ՍՇՇՇ 12-Շ ԱՇի՜ 13 ՝ ԱՇի՜ 14 ձձձձձձձձձձձ:

Ձձձձձ ձձձձձ ձձձձձ ՍՇՇ ՍՇձձ:

19/05/2017

X

ՀԱՄԱՅՆՔԻ ՂԵԿԱՎԱՐ՝

Ա. ՊԱՊՈՅԱՆ



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԼՈՌՈՒ ՄԱՐԶ
ԿԱԹՆԱԶՐԻ ՀԱՄԱՅՆՔԻ ՂԵԿԱՎԱՐ

Հայաստանի Հանրապետության
Լոռու մարզի Կաթնաջուր համայնք,
գ. Կաթնաջուր 13 փողոց, 1 շենք
հեռ. +374 99-00-03-02

ՈՐՈՇՈՒՄ

12 մայիս 2017թ. թիվ 13-Ա

**ՀՀ ԼՈՌՈՒ ՄԱՐԶԻ ԿԱԹՆԱԶՐԻ ՀԱՄԱՅՆՔՈՒՄ 2017 ԹՎԱԿԱՆԻ ԸՆԹԱՑՔՈՒՄ
ՀՆԱՐԱՎՈՐ ԶՐՀԵՂԵՂՆԵՐԻ, ՀԵՂԵՂՈՒՄՆԵՐԻ, ՍԵՂԱՎՆԵՐԻ ԵՎ ՍՈՂԱՆՔՆԵՐԻ
ԿԱՆԽԱՐԳԵԼՄԱՆ, ԴՐԱՆՑ ՀԵՏԵԿԱՆՔՆԵՐԻ
ՆԿԱԶԵՑՄԱՆ ՈՒ ՎԵՐԱՑՄԱՆ ՄԱՍԻՆ**

Հայաստանի Հանրապետության (այսուհետ՝ ՀՀ) Լոռու մարզի Կաթնաջուր համայնքի տարածքում 2017 թվականի ընթացքում հնարավոր ջրհեղեղների, հեղեղումների, սելավների և սողանքների կանխարգելման, դրանց հետևանքների նվազեցման ու վերացման միջոցառումների կազմակերպման նպատակով, ղեկավարվելով ՀՀ Նախագահի 1997 թվականի մայիսի 06-ի «ՀՀ մարզերում պետական կառավարման մասին» թիվ ՆՀ-728 հրամանագրի 1.22 կետով, «Արտակարգ իրավիճակներում բնակչության պաշտպանության մասին» ՀՀ օրենքի 16-րդ հոդվածի 1-ին մասի դ) կետին համապատասխան՝

Ո Ր Ո Շ Ո Ւ Մ ԵՄ.

1. Հաստատել ՀՀ Լոռու մարզի Կաթնաջուր համայնքի տարածքում 2017 թվականի ընթացքում հնարավոր ջրհեղեղների, հեղեղումների, սելավների և սողանքների կանխարգելման, դրանց հետևանքների նվազեցման ու վերացման միջոցառումների պլանը՝ համաձայն հավելված 1-ի:

2. Առաջարկել ՀՀ Լոռու մարզի Կաթնաջուր համայնքի ղեկավարին՝

1) մինչև 2017 թվականի հունիսի 01-ը՝ համաձայն սույն որոշման 1-ին կետով հաստատված պլանի, կազմել և հաստատել «Համայնքի տարածքում 2017 թվականի ընթացքում հնարավոր ջրհեղեղների, հեղեղումների, սելավների և սողանքների կանխարգելման, դրանց հետևանքների նվազեցման ու վերացման պլան» և պլանով նախատեսված միջոցառումների իրականացման նպատակով համայնքի բյուջեից հատկացնել համապատասխան միջոցներ.

2) մինչև յուրաքանչյուր ամսվա 30-ը ՀՀ արտակարգ իրավիճակների նախարարության փրկարար ծառայության (այսուհետ՝ ԱԻՆ ՓԾ) Լոռու մարզային փրկարարական վարչություն ներկայացնել տեղեկատվություն՝ համայնքի տարածքում իրականացված բնածին և տեխնածին արտակարգ իրավիճակների կանխարգելիչ միջոցառումների վերաբերյալ՝ համաձայն հավելված 2-ի:

3. Սույն որոշման կատարման նպատակով հսկողությունը վերապահել ՀՀ Լոռու մարզի Կաթնաջուր համայնքի ղեկավարին:

Համայնքի ղեկավար



Ա. Պապոյան

Հավելված 1.
 ՀՀ Լոռու մարզի Կաթնաջուր
 համայնքի ղեկավարի 2017թ.
 մայիսի 12-ի թիվ 13-Ա որոշման

ՄԻՋՈՑԱՌՈՒՄՆԵՐԻ ՊԼԱՆ
 ԼՈՒՌԻ ՄԱՐԶԻ ԿԱԹՆԱՋՈՐԻ ՀԱՄԱՅՆՔԻ ՏԱՐԱԾՔՈՒՄ 2017 ԹՎԱԿԱՆԻ ԸՆԹԱՅՔՈՒՄ ՀՆԱՐԱՎՈՐ
 ԶՐՀԵՂԵՂՆԵՐԻ, ՀԵՂԵՂՈՒՄՆԵՐԻ, ՍԵԼԱՎՆԵՐԻ ԵՎ ՍՈՂԱՆՔՆԵՐԻ
 ԿԱՆԽԱՐԳԵԼՄԱՆ, ԴՐԱՆՑ ՀԵՏԵՎԱՆՔՆԵՐԻ ՆՎԱԶԵՑՄԱՆ ՈՒ ՎԵՐԱՑՄԱՆ

Հ/Հ	Միջոցառման անվանումը	Կատարող	Կատարման ժամկետը
1	2	3	4
1. Կանխարգելիչ միջոցառումներ			
1.	Ուսումնասիրել և գնահատել սելավատարների վիճակը	Համայնքի ղեկավար	Մինչև 01.06.2017թ.
2.	Նախապատրաստել համապատասխան տեխնիկա և շինարարական նյութեր՝ սելավատարների անհրաժեշտ հատվածները մաքրելու, վտանգավոր տեղամասերում ափապաշտպան կառույցները ամրացնելու համար:		Մշտական
3.	Բնակչության հետ կատարել բացատրական աշխատանքներ՝ ջրածածկման, հեղեղավտանգ, սելավավտանգ և սողանքավտանգ գոտիներում շինարարական և դաշտային աշխատանքները կարգավորելու համար:		
4.	Պատրաստի վիճակի բերել առկա տրանսպորտային միջոցները՝ ջրհեղեղների, հեղեղումների և սելավների դեպքում բնակչության պաշտպանության կազմակերպման և հետևանքների վերացման նպատակով:	Համայնքի ղեկավար	Մինչև 01.06.2017թ.
5.	Նախապատրաստել միջոցներ՝ հարկ եղած դեպքում տուժածներին առաջին բուժօգնություն և բժշկական օգնություն ցույց տալու համար:	Կաթնաջուր համայնքի բուժկետի վարիչ Բ. Ոստակյան	Մինչև 01.06.2017թ.
6.	Ճշտել արտակարգ իրավիճակներում գործելու և զինվորական մարմինների հետ փոխհամագործակցությունների պլանները:	Համայնքի ղեկավար	Մինչև 01.06.2017թ.
2. Հիմնական միջոցառումներ			
7.	Իրագեկել վտանգավոր տարածքներում գտնվող բնակչությանը՝ իրենց սպառնացող վտանգների, նկուղային հարկերից իրենց ունեցվածքի տեղափոխման անհրաժեշտության, ինչպես նաև նման դեպքերում բնակչության վարվելակերպի կանոնների մասին:	Համայնքի ղեկավար	Մշտապես
8.	Հնարավոր վտանգավոր վայրերում կազմակերպել հսկողություն՝ արագ արձագանքելու և համապատասխան միջոցներ ձեռք առնելու համար:	Համայնքի ղեկավար	Անհրաժեշտության դեպքում
9.	Անհրաժեշտության դեպքում կազմակերպել և իրականացնել վտանգավոր տարածքներից անվտանգ տարածք՝ մարդկանց, կենդանիների և նյութական արժեքների ժամանակավոր տեղափոխումը և տեղաբաշխումը:	Տարահանման հանձնաժողովի նախագահ՝ համայնքի ղեկավար	Անհրաժեշտության դեպքում

10.	Տուժած շրջաններում կազմակերպել և իրականացնել փրկարարական և այլ անհետաձգելի վթարավերականգնողական աշխատանքներ:	Համայնքի ղեկավար	Ըստ անհրաժեշտության
11.	Ներգրավել աշխատունակ քաղաքացիներին (իրենց համաձայնությամբ), ջրհեղեղների, հեղեղումների, սելավների և սողանքների պատճառած հետևանքների վերացման գործընթացին՝ ըստ մասնագիտական և անձնական հնարավորությունների:	Համայնքների ղեկավար	Անհրաժեշտության դեպքում
12.	Ապահովել կապը համայնքի և մարզի արտակարգ իրավիճակների մշտական գործող հանձնաժողովի միջև:	Հայփոստի վարիչ Մարինե Միրայելյան	
13.	Գիշերային ժամերին փրկարարական և վթարավերականգնողական աշխատանքները շարունակելու համար ապահովել համապատասխան լուսավորվածություն:	Էներգետիկ Հ. Հովհաննիսյան	

Համայնքի ղեկավար  Ա. Պապոյան



Հավելված 2.
ՀՀ Լոռու մարզի Կաթնաջուր
համայնքի ղեկավարի 2017թ.
մայիսի 12-ի թիվ 13-Ա որոշման

ՏԵՂԵԿԱՏՎՈՒԹՅՈՒՆ

2017թ.-ի ապրիլ ամսվա ընթացքում Լոռու մարզի Կաթնաջուր համայնքում իրականացված բնածին և տեխնածին արտակարգ իրավիճակների կանխարգելիչ միջոցառումների վերաբերյալ

ՀՀ ը/կ	Միջոցառման անվանումը	Անցկացման ժամկետը	Ֆինանսավորման աղբյուրը	Նշումներ կատարման վերաբերյալ
1	2	3	4	5
1	Ջրահեռացման առուների մաքրում	01.04.2017- 30.04.2017թթ.	Կաթնաջուր համայնքի բյուջե	

Համայնքի ղեկավար



Ա. Պապոյան



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
 ԼՈՌԻ ԽԱՐՋ
 ԿԱԹՆԱԶՐԻ ՀԱՄԱՅՆՔԻ ՂԵԿԱՎԱՐ

Հայաստանի Հանրապետության
 Լոռու մարզի Կաթնաջուր համայնք,
 գ. Կաթնաջուր 13 փողոց, 1 շենք
 հեռ. +374 99-00-03-02

ՈՐՈՇՈՒՄ ԹԻՎ 14

«12» «ՄԱՅԻՍ» 2017Թ.

ՀՀ ԼՈՌԻ ԽԱՐՋԻ ԿԱԹՆԱԶՐԻ ՀԱՄԱՅՆՔՈՒՄ ԱՐՏԱԿԱՐԳ ԻՐԱՎԻՃԱԿՆԵՐԻ
 ՀԱՆՁՆԱԺՈՂՈՎ ՍՏԵՂԾԵԼՈՒ, ՀԱՆՁՆԱԺՈՂՈՎԻ ԿԱՆՈՆԱԴՐՈՒԹՅՈՒՆԸ
 ՀԱՍՏԱՏԵԼՈՒ
 ՄԱՍԻՆ

Համաձայն «Արտակարգ իրավիճակներում բնակչության պաշտպանության» Հայաստանի Հանրապետության օրենքի 15-րդ հոդվածի և «Տեղական ինքնակառավարման մասին» Հայաստանի Հանրապետության օրենքի 35-րդ հոդվածի 1-ի մասի 29-րդ կետով, համայնքում արտակարգ իրավիճակների կանխարգելման և հետևանքների վերացմանն ուղղված միջոցառումների իրականացման նպատակով՝

Ո ր ո շ ու մ ե մ .

1. Ստեղծել Կաթնաջուր համայնքում արտակարգ իրավիճակների մշտական գործող հանձնաժողով՝ համաձայն հավելված 1-ի:
2. Հաստատել Կաթնաջուր համայնքի արտակարգ իրավիճակների հանձնաժողովի կանոնադրությունը՝ համաձայն հավելված 2-ի:

Համայնքի ղեկավար



Ա. Պապոյան

Կազմ

ՀՀ Լոռու մարզի Կաթնաջուր համայնքում արտակարգ իրավիճակների մշտական գործող հանձնաժողովի

- Ա. Պապոյան - հանձնաժողովի նախագահ, համայնքի ղեկավար
- Մ. Ռստակյան - հանձնաժողովի նախագահի տեղակալ, համայնքի ղեկավարի տեղակալ

Հանձնաժողովի անդամներ

- Վ. Վարդանյան - համայնքապետարանի աշխատակազմի քարտուղար
- Ա. Նիկողոսյան - համայնքապետարանի աշխատակազմի առաջատար մասնագետ-հողաշինարար
- Ք. Ռստակյան - համայնքի բուժկետի վարիչ
- Գ. Սիմոնյան - համայնքի ավագանու անդամ
- Վ. Թմոյան - համայնքի բնակիչ

Համայնքի ղեկավար



Ա. Պապոյան

ԿԱՆՈՆԱԴՐՈՒԹՅՈՒՆ
« ԼՈՒՌԻ ՄԱՐԶԻ ԱՐՏԱԿԱՐԳ ԻՐԱՎԻՃԱԿՆԵՐԻ ՀԱՆՁՆԱԺՈՂՈՎԻ

1. ԸՆԴՀԱՆՈՒՐ ԴՐՈՒՅԹՆԵՐ

1. Հայաստանի Հանրապետության Լոռու մարզի Կաթնաջուր համայնքի արտակարգ իրավիճակների հանձնաժողովը (այսուհետ՝ Հանձնաժողով) հանդիսանում է մշտապես գործող, արտակարգ իրավիճակներում բնակչության և տարածաշրջանի պաշտպանության խնդիրների լուծմամբ զբաղվող մարմին:

2. Հանձնաժողովն ապահովում է « Լոռու մարզի Կաթնաջուր համայնքի բնակչության և օբյեկտների պաշտպանության համակարգի կայունությունը, կառավարման կառուցվածքի կատարելագործումը, խոշոր վթարների և արտակարգ իրավիճակների կանխարգելմանն ու հետևանքների վերացմանն ուղղված ուժերի և միջոցների պատրաստականությունը:

3. Արտակարգ իրավիճակների հանձնաժողովի նախագահն ի պաշտոնե հանդիսանում է Լոռու մարզի Կաթնաջուր համայնքի ղեկավարը, իսկ տեղակալը՝ Կաթնաջուր համայնքի ղեկավարի տեղակալը:

4. Հանձնաժողովը համայնքի ղեկավարի կարգադրությամբ իրավունք ունի անցկացնել ստուգումներ և համայնքի տարածքի բոլոր օբյեկտներում իրականացնել վերահսկողական մեթոդական գործունեություն, կազմել ակտեր այդ օբյեկտների կողմից տարերային և տեխնաձին բնույթի արտակարգ իրավիճակներից բնակչության և տարածքների պաշտպանության համար ձեռնարկված միջոցառումների վերաբերյալ:

5. Հանձնաժողովի նիստերը հիմնահարցերի վերաբերյալ անցկացվում են եռամսյակը մեկ, իսկ ընթացիկ հարցերի վերաբերյալ՝ ըստ դրանց առաջացման անհրաժեշտությամբ:

6. Հանձնաժողովն իր գործունեությունն իրականացնում է ղեկավարվելով « օրենսդրությամբ, սույն կանոնադրությամբ և արտակարգ իրավիճակների կանխարգելմանն ու վերացմանն ուղղված այլ իրավական ակտերով:

7. Հանձնաժողովի որոշումները ենթակա են համայնքի ղեկավարի կողմից հաստատման և պարտադիր են համայնքի տարածքում գտնվող գտնվող բոլոր ձեռնարկությունների, կազմակերպությունների և հիմնարկների համար՝ անկախ նրանց գերատեսչական պատկանելությունից և սեփականության ձևից:

8. Արտակարգ իրավիճակների հանձնաժողովը՝

1) համակարգում է համայնքի տարածքում գտնվող հիմնարկների և ձեռնարկությունների գործունեությունը՝ արտակարգ իրավիճակներում գործելու, արտակարգ իրավիճակների կանխարգելման և հետևանքների վերացմանն ուղղությամբ.

2) մասնակցում է արտակարգ իրավիճակների կանխարգելմանն ու հետևանքների վերացմանն ուղղված ծրագրերի մշակմանը և իրականացմանը.

3) զանգվածային լրատվության և այլ միջոցներով արտակարգ իրավիճակներից

բնակչության և տարածքների պաշտպանության վիճակի և անվտանգության ապահովման ուղղությամբ ձեռնարկված միջոցառումների վերաբերյալ բնակչությանն ապահովում է հավաստի և օպերատիվ տեղեկատվությամբ.

4) ղեկավարում է բնակչության և կառավարման մարմինների պաշտոնատար անձանց արտակարգ իրավիճակներում գործելու պատրաստակամության բարձրացման գործընթացը.

5) կարող է ստեղծել արտաբյուջետային պահուստային հիմնադրամներ՝ ԱԻ կանխարգելման և հետևանքների վերացման, վթարավերականգնողական կազմավորումների ապահովման համար:

2. ՀԱՆՁՆԱԺՈՂՈՎԻ ԽՆԴԻՐՆԵՐԸ, ԳՈՐԾԱՌՈՒՅԹՆԵՐԸ ԵՎ ԻՐԱՎՈՒՆՔՆԵՐԸ

9. Հանձնաժողովի հիմնական խնդիրներն են՝

1) տարերային և տեխնաժին բնույթի արտակարգ իրավիճակներից բնակչության և տարածքների պաշտպանությունը կանոնակարգող օրենքների և այլ նորմատիվային ակտերի կատարման կազմակերպումը.

2) արտակարգ իրավիճակների կանխարգելման միջոցառումների, նրանց հետևանքների նվազեցման, արտակարգ իրավիճակների պայմաններում պոտենցիալ վտանգավոր (քիմիական վտանգավոր, ճառագայթային վտանգավոր, հրդեհավտանգ, պայթյունավտանգ) օբյեկտների աշխատանքի հուսալիության ապահովման իրականացման միջոցառումների կազմակերպումը և հսկողությունը.

3) տարածքների և պոտենցիալ վտանգավոր օբյեկտների վիճակի հսկողության իրականացումը, արտակարգ իրավիճակների կանխատեսումը.

4) Համայնքի տարածքում կառավարման մարմինների մշտական պատրաստակամության կազմակերպումը.

5) արտակարգ իրավիճակների կանխատեսման, նրանց հետևանքների գնահատման և դրա հիման վրա արտակարգ իրավիճակների կանխարգելմանը, վնասի և կորուստների նվազեցմանը, բնակչության պաշտպանությանն ուղղված միջոցառումների մշակման և պլանավորման կազմակերպումը.

6) արտակարգ իրավիճակների կանխարգելմանն ուղղված գիտատեխնիկական ծրագրերի հետազոտման և համակարգման կազմակերպումը.

7) Համայնքի ուժերի և միջոցների պատրաստման կազմակերպումը, արտակարգ իրավիճակների առաջացման կամ սպառնալիքի դեպքում բնակչության պաշտպանության ձևերի և մեթոդների ուսուցանումը.

8) արտակարգ իրավիճակների կանխարգելման և հետևանքների վերացման ուղղությամբ որոշումների նախագծերի մշակումը.

9) մասնակցությունը համայնքի տարածքում պոտենցիալ վտանգավոր արտադրությունների տեղաբաշխմանը և գործունեության կազմակերպմանը վերաբերվող հարցերի քննարկմանը.

10) արտակարգ իրավիճակների կանխարգելման և հետևանքների վերացման միջոցառումների անցկացմանը հասարակական կազմակերպությունների և քաղաքացիների ներգրավման աշխատանքների կազմակերպումը:

10. Հանձնաժողովի գործառույթներն են.

1) Տեխնաժին, բնապահպանական և այլ աղետների առաջացման, ճառագայթային, կենսաբանական, հիդրոոդերևութաբանական իրադրության վատթարացման սպառնալիքի դեպքում արտակարգ իրավիճակների հանձնաժողովը՝

ա. ստանձնում է տեղական արտակարգ իրավիճակների հանձնաժողովների գործունեության անմիջական ղեկավարումը.

բ. անհրաժեշտության դեպքում ձևավորում է օպերատիվ խմբեր՝ իրադրության վատթարացման պատճառների պարզաբանման և կարգավորելուն ուղղված առաջարկությունների մշակման նպատակով.

գ. ուժեղացնում է պոտենցիալ վտանգավոր օբյեկտներում վիճակի դիտարկումները և հսկողությունը, կանխատեսում է արտակարգ իրավիճակների առաջացման հավանականությունը և հետևանքները.

դ. միջոցներ է ձեռնարկում հնարավոր արտակարգ իրավիճակների վերացման համար նախատեսված ուժերի և միջոցների պատրաստականության բարձրացման և անհրաժեշտության դեպքում դրանց ենթադրվող գործողությունների շրջան առաջըաշման ուղղությամբ.

ե. ստեղծում է մամուլի խումբ հասարակայնության և զանգվածային լրատվության միջոցների հետ կապի ապահովման նպատակով.

2) Արտակարգ իրավիճակների առաջացման և հետևանքների վերացման դեպքում Հանձնաժողովը՝

ա. կազմակերպում է կառավարման մարմինների, հիմնարկների, կազմակերպությունների, ձեռնարկությունների և բնակչության ազդարարումն արտակարգ իրավիճակների մասին.

բ. աղետի գոտի է ուղարկում Հանձնաժողովի օպերատիվ խումբ, իսկ անհրաժեշտության դեպքում նաև շարժական կառավարման կետ.

գ. կազմակերպում է հասարակական կարգի պահպանությունը, մշակութային նյութական արժեքների պահպանությունը.

դ. կազմակերպում է կառավարման կետի ծավալումը, անհրաժեշտ ուժերի և միջոցների օպերատիվ ներգրավումը և դրանց արդյունավետ օգտագործումը աղետի գոտում.

ե. համակարգում է արտակարգ իրավիճակների հետևանքների բացահայտումը և գնահատումը, դրանց վերացումը, նյութատեխնիկական պահուստի և պաշարի նպատակահարմար օգտագործումը.

զ. կազմակերպում և համակարգում է աղետի գոտուց բնակչության տարահանման գործողությունները և տուժածներին անհրաժեշտ առաջնահերթ օգնության ցուցաբերումը.

է. կազմակերպում է կազմակերպություններից և քաղաքացիներից (այդ թվում նաև արտասահմանյան) որպես օգնություն աղետի գոտի մուտք գործող նյութական և ֆինանսական միջոցների հաշվառումը և բաշխումը.

ը. կազմակերպում է աղետի գոտու բնակչության անհետաձգելի բուժօգնությունը, հիգիենիկ-հակահամաճարակային և կենսապահովման միջոցառումների համակարգումը.

թ. մասնակցում է արտակարգ իրավիճակների պատճառների բացահայտմանն ուղղված պետական հանձնաժողովների աշխատանքին.

ժ. ապահովում է կառավարման մարմինների՝ ըստ զեկուցագրի սահմանված ձևի տեղեկացումը աղետի գոտում իրադրության ու աշխատանքների ընթացքի մասին և զանգվածային լրատվության միջոցներով տեղեկացնում է բնակչությանը.

ժա. իրականացնում է հսկողություն զանգվածային լրատվության միջոցներով արտակարգ իրավիճակների մասին տեղեկությունների՝ տարածման ընթացքի

նկատմամբ: Միջոցներ է ձեռնարկում կեղծ, չստացված, խուճապային լուրերի և հաղորդագրությունների տարածման արգելման ուղղությամբ:

11. Հանձնաժողովի իրավունքներն են.

1) Համայնքի տարածքում տեղաբաշխված կազմակերպությունների և ձեռնարկությունների առաջատար մասնագետներին ներգրավել պոտենցիալ վտանգավոր օբյեկտների նախագծերի փորձաքննությանը, օբյեկտների անվտանգության ապահովման հսկողությանը.

2) մասնակցել արտադրական օբյեկտների կառուցապատման, տեղաբաշխման սխեմաների ու նախագծերի, տնտեսական և սոցիալական զարգացման պլանների մշակմանն ու քննարկմանը.

3) սահմանված կարգով ներգրավել ուժեր ու միջոցներ փրկարարական և այլ անհետաձգելի աշխատանքների կատարման համար.

4) Համայնքի ղեկավարին ներկայացնել առաջարկություն՝ արտակարգ իրավիճակների ծագման դեպքում համայնքի տարածքում գտնվող օբյեկտների (անկախ սեփականության ձևից) գործունեության դադարեցման մասին.

5) Հանձնաժողովի նիստում քննարկել և համայնքի ղեկավարին առաջարկություն ներկայացնել՝ անհրաժեշտության դեպքում մարզի այլ բնակավայրերում ԱԻ հետևանքների վերացման աշխատանքներին կամ միջազգային օգնության ցուցաբերմանը կաթնաջուր համայնքից ուժերի և միջոցների հատկացման հարցը:

12. Արտակարգ իրավիճակների սպառնալիքի և առաջացման դեպքում Հանձնաժողովի իրավունքներն են՝

1) սահմանել համայնքի տարածքում բնակչության պաշտպանության համակարգի աշխատանքային ռեժիմները.

2) ուժեղացնել աղետի գոտում հասարակական կարգի, խոշոր ֆինանսական և նյութական արժեքների կենտրոնացման վայրերի, բնակչության կենսագործունեությունն ապահովող օբյեկտների պահպանությունը.

3) հատկացնել նյութական միջոցներ պահուստային հիմնապաշարներից՝ ԱԻ կանխարգելման և հետևանքների վերացման համար.

4) օգտագործել արտակարգ իրավիճակների կանխարգելման և հետևանքների վերացման համար նյութատեխնիկական, բժշկական, պարենային և այլ պաշարներ.

5) սահմանել կարանտին և այլ պարտադիր հիգիենիկ-հակահամաճարակային միջոցառումներ.

6) անհրաժեշտության դեպքում աղետի գոտում սահմանել ձեռնարկությունների և հիմնարկությունների, ինչպես նաև բնակչության կենսագործունեության հատուկ ռեժիմ.

7) տեղափոխել և պատրաստականության բերել համայնքի բնակչության պաշտպանության համակարգի կառավարման մարմինները և ուժերը:

3. ԱՐՏԱԿԱՐԳ ԻՐԱՎԻՃԱԿՆԵՐԻ ՀԱՆՁՆԱԺՈՂՈՎԻ ԿԱԶՄԸ

13. Հանձնաժողովի կազմի մեջ են մտնում համայնքապետարանի աշխատակիցները, համայնքի բնակչության առաջնահերթ կենսապահովման կազմակերպությունների և հիմնարկների ղեկավարները:

14. Աշխատանքի ամենօրյա, ուժեղացված և արտակարգ ռեժիմների պայմաններում խնդիրների կատարման համար աշխատանքային մարմիններ են հանդիսանում՝

1) Լոռու մարզային փրկարարական վարչությունը.

2) տարահանման հանձնաժողովը:

4. ՀԱՆՁՆԱԺՈՂՈՎԻ ԱՇԽԱՏԱՆՔԻ ԿԱԶՄԱԿԵՐՊՈՒՄԸ

15. Հանձնաժողովի նախագահին անձնական պատասխանատվություն է կրում հանձնաժողովի վրա դրված խնդիրների կատարման համար, բաշխում և հաստատում է Հանձնաժողովի անդամների միջև պարտականությունների կատարումը:

16. Հանձնաժողովի աշխատանքները կազմակերպվում են աշխատանքային պլանների հիման վրա: Հանձնաժողովի նիստերը ձևակերպվում են արձանագրություններով:

17. Արտակարգ իրավիճակների առաջացման դեպքում, կախված աղետի ընդգրկած ծավալից և բնույթից, ձևավորվում է շտաբ, որի վրա է դրվում ներգրավված կառավարման մարմինների, ուժերի և միջոցների ղեկավարումն աղետի գոտում:

18. Կախված ստեղծված կոնկրետ իրադրությունից, տեղական նշանակության ԱԻ-ի առաջացման դեպքում, Հանձնաժողովի նախագահի կամ նրա տեղակալի որոշմամբ անցնում է աշխատանքի «ուժեղացված» կամ «արտակարգ» ռեժիմի:

19. Կամավորական սկզբունքով արտակարգ իրավիճակների հետևանքների վերացմանը ներգրավվում են հասարակական կամավորական փրկարարական կազմավորումները:

Համայնքի ղեկավար



Ա. Պապոյան